

四庫全書

集部

欽定四庫全書

文苑英華卷三百十五

宋 李昉等 編

居處五

亭七十三首

亂後經吳郵亭

庾肩吾

郵亭一回望風塵千里昏青袍異春草白馬即吳門獯

戎鯁類聚作鯁伊洛雜種亂軒轅輦道通關塞王城似太原

休明鼎尚重秉禮國猶存殷牖久雖隳堯城吏轉尊泣

血悲東走橫戈念北奔方憑七廟畧誓雪五陵冤人事
今如此天道共誰論

登百花亭懷荆楚

梁元帝

極目纔千里何由望楚津落花灑行路垂楊拂砌塵柳
絮飄春雪荷珠漾水銀試酌新清酒遥勸陽臺人

以下
三篇

並見江
州石本

奉和登百花亭懷荆楚

朱超道

亭亭登望極春心遠近同莫恨荆臺隱雲行不礙空柳

色浮新翠蘭心帶淺紅若因鵬舉便重上龍門中

追和登百花亭懷荆楚

陰鏗

江陵一柱觀潯陽千里潮風煙望似接川路恨成遙落

花輕未下飛

石本作浮

絲斷亦飄藤長還依格

石本作格嶺

荷生

不避橋陽臺可憶處惟有暮將朝

臨水亭

閻邱均

高館基魯山微幕生花草傍對野村樹下臨車馬道清
明悟心術幽遐備瞻討回舍峯隱雲聯綿渚紫塢氣似

滄洲勝風為青春好相及盛年時無令歎衰老

山庭夜宴

王勃

桂宇幽襟積松臺良夜永森沉野徑寒肅穆巖扉靜竹

海南河色

集作
汀色

荷翻北潭影清興殊未歸林端照初景

宿晉安亭

盧照隣

聞有絃歌地穿鑿本多奇遊人試一覽臨翫果忘疲窓
橫幕捲葉簷卧古生枝舊石開紅蘚新荷覆綠池孤猿
稍斷絕宿鳥復參差沉艷月華曉徘徊星鬢垂今日刪

書客悽遑君詎知

同王員外雨後登開元寺南樓因訓暉上人獨

坐山亭有贈

陳子昂

鍾梵經行罷香林坐入禪巖庭交雜樹石瀨寫鳴泉水
月心方寂雲霞思獨玄寧知人代裏疲病苦攀緣

王屋山第之側雜構小亭暇日與羣公同賞

李嶠

桂亭依絕巘蘭榭俯回溪綺棟魚鱗出雕甍鳳羽栖引

泉聊漲沼鑿磴且通溪席上山花落簷前野樹低弋林
開曙景釣渚發晴霓狎水驚梁鴈臨風聽楚鷄復看題
柳葉彌喜蒼桐主

從驩州廨宅移住山

集作問

水亭贈蘓使君

沈佺期

遇坎即乘流因到極南

集作西南到火州

鬼關應苦夜瘴浦

不宜秋歲貸胃穿老霄

集作朝

飛鼻斂頭死生離骨肉榮

辱問朋遊棄置一身在平生萬事休鷹鷂遭誤逐豺武

怯真投憶昨京華子傷今邊地因願陪鸚鵡樂希並鷓鴣
留日月偷鄉思煙花換客愁幸逢蘓伯玉回借水亭
幽山栢歌集作張青蓋江樵卷綠油乘閒無火宅因放有
虛集作漁舟適越心當是居夷迹可求古來堯禪舜何必
罪驩兜

旅宿淮陽亭口號

張九齡

日暮荒亭上悠悠旅思多故鄉臨桂水今夜眇星河暗
草霜華發空亭鴈影過興來誰與晤勞者自為歌

與王六履震廣州津亭曉望 張九齡

明發臨前渚寒來靜遠空
水紋天上碧日氣海邊紅
景

物空集作紛為異人情賴此同
乘桴自有適非欲破長風

林亭作集作詠

前人

穿築非求麗幽閒欲寄情
寓懷因壤石真意在蓬瀛
苔益山文古池添竹氣清
從茲果蕭散無事亦無營

立秋日題安昌寺北山亭

雜詠作日宴

孫逖

樓峴倚長霄登攀及霽朝高如石門頂勝擬赤城標天

路雲虹近人寰氣象遙山清

雜詠作

伯禹廟江落伍胥潮

徂暑迎秋薄涼風是日飄果林餘苦李萍水覆甘蕉覽

古嗟夷漫陵空愛寂

集作

寥更聞金刹下鍾梵晚蕭蕭

望春亭觀禊飲應制

見一百七
十二卷

王維

與盧員外象過崔處士興宗林亭

前人

綠樹垂陰蓋四隣青苔日厚自無塵科頭箕踞長林下

集作松下

白眼看他世上人

集作看君是甚人

和宋大使北樓新亭

孟浩然

返耕意未遂日夕登城隅誰道山林近坐為符竹拘麗

譙非改作軒檻是新圖遠水自蟠冢長雲吞具區願隨

江燕賀羞逐府寮趨欲識狂歌者

集作客

丘園一豎儒

晚春題詠

一作遠

上人南亭

前人

給園支遁隱虛寂養身和春晚羣木秀闕闕

一作間

黃鳥

歌林栖居士竹池養右軍鵝炎月北窓下清風期再過

秋登張明府海亭

前人

海亭秋日望委曲見江山染翰卧題壁傾壺一破顏歌
逢彭澤令歸賞故園間余亦將琴史棲遲共取閒

梅道士水亭

前人

傲吏非凡吏名流即道流隱居不可見高論莫能酬水
接仙源近山藏鬼谷幽再來迷處所花下問漁舟

夏夕南亭懷辛夫

前人

山光忽西發

集作落

池月漸東上散髮乘夕涼開軒卧閒

敞荷風送香氣竹露滴清響欲取鳴琴彈恨無知音賞

感此懷古人

集作故人

中宵勞夢想

鄭郎中山亭

崔翹

篆筆飛章暇園亭染翰遊地奇人境別事遠俗塵收書

閣山雲起琴齋澗月留泉清鱗影見樹密鳥聲幽杜馥

重梅雨荷香送麥秋無勞置驛騎文酒暗相求

晚至香亭

鄭德元

長亭日已暮駐馬暫盤桓山川香不極徒侶默相看雲
夕荆臺暗風秋郢路寒客心一如此誰復採芳蘭

登牛頭山亭子

杜甫

路出雙林外亭窺萬井中江城孤照日

集作春

山谷遠含

風兵革身將老關河信不通猶殘數行淚忍對百花叢
暮春陪李尚書李中丞過鄭監湖亭泛舟

前人

海內文章伯湖邊意緒多玉樽移晚興桂楫帶酣歌春

日繁魚鳥江天足
芰荷鄭莊賓客地
衰白遠來過

客亭

前人

秋窓猶曙色落木更高風

集作木落
更高風

日出寒山外江流

宿霧中聖朝無棄物老病已成

集作衰

翁多少殘生事飄

零似轉蓬

遊謝氏山亭

李白

淪老卧江海再嘆天地清病寒

集作聞

久寂寞歲物徒芬

榮借君西池遊聊以散我情掃雲

集作雪

松下去捫蘿道

邊

集作石道

行謝公池塘上春風

集作草

颯已生花枝拂人來

山鳥向我鳴田家有美酒落日與之傾醉後弄歸月遙

欣稚子迎

宣城九日聞崔侍御與宇文太守遊敬亭余時

登響山不同此賞醉後寄崔侍御二首

前人

九日茱萸熟挿鬢傷早白登高望山海滿目悲古昔遠
訪投沙人因為逃名

集作名山

客故交竟誰在獨有崔亭伯

重陽不相知載酒任所適手持一把

枝集作

菊談

集作調

笑

二千石日暮岸幘歸傳呼隘

集作溢

阡陌彤襜雙白鹿賓

從何輝赫夫子在其間遂成雲霄隔良辰與美景兩地

方虛擲晚從南峯歸蘿月下水壁却登郡樓望松色寒

轉碧望美

集作咫尺

不可親棄我如遺鳥

二

九卿天上客五馬道傍來列戟朱門曉褰帷碧幃開登
高望遠海召客得英才紫綬歡情洽黃花逸興催山從

集作

圖上見溪即

集作

鏡中回遙羨重陽作應過戲馬

臺

題金陵王處士水亭

此亭蓋齊朝南苑
又是陸機故宅

前人

王子耽玄言賢豪多在門好鵝尋道士愛竹嘯名園樹
色秀荒苑池光蕩華軒北堂見明月更憶陸平原掃拭
青玉簫為余署金罇醉後欲歸去花枝宿鳥喧何時復
來此更

集作

得洗囂煩

陪旅父當塗宰遊化城寺昇公清風亭

前人

化城如

集作若

化出金榜天宮開疑是海上雲飛空結樓

臺昇公湖山秀粲然有辨才濟人不利已立俗無嫌猜

了見水中月青蓮出塵埃閒居清風亭左右清風來當

署陰廣殿太陽為徘徊茗酌待幽客珍盤薦彫梅飛文

何灑落萬象為之推李父擁鳴琴德聲布雲雷雖遊道

林室亦舉陶潛盃清樂動諸天長松自吟哀留勸若可

盡劫石乃成灰

題韓少府水亭

祖詠

梅福幽棲處佳期不可

集作志

還鳥吟當戶竹花遶傍池

山水氣侵堦冷藤陰覆坐閑寧知武陵趣宛在市朝間

晚泊金陵水亭

前人

江亭當廢國秋景陪蕭騷夕照明殘疊寒潮漲古濠就
田看鶴大隔水見僧高無限前朝事醒吟意覺勞

陸渾水亭

後卷作陸渾山莊即事

晝眺伊川

一作東山

曲巖開霽色明淺沙平有路流水漫無

聲浴鳥沿波聚潛鱗

一作魚

觸釣驚更尋

一作憐

春岸上

一作

綠

幽意滿山楹

一作幽興
滿前楹

此詩三百十九卷重出今已削去注異同為一作

李上侍

丹陽東去新亭記遊

皇甫丹

姑蘇東望海林間幾度裁書信未還常在府中持白簡
豈知天半有青山人歸極浦寒流廣鴈下平蕪秋野閒

舊日新亭更攜手他鄉風景亦相關

酬 袁忠公林亭

包融

江外有真隱寂居歲已侵結廬近面術種樹久成陰人
跡乍及戶車聲遙隔林自言解塵事咫尺能韜沉為道
豈廬霍會靜由吾心方秋院水落仰望日蕭森持我興
來趣采菊行相尋塵念到門盡遠情對君深一談入理

窟再索破幽襟安得山中信致書移尚禽

後漢逸民傳
尚長字子平

與北海禽慶字

子夏二人相善

夕次華陰北亭

林琨

清晨孤亭裏極目對前岑
遠與水天合長霞生夕林
蒼然平楚意杳靄半秋陰
落日川上盡闕城雲外深
方余事巖壑及此欲抽簪
待就蓬山道還茲契宿心

同蔡孚五亭詠

徐晶

帝疑奏中京罷雲泉別業歸
拂塵鋪野席牽柳挂朝衣
翡翠巢書幌鴛鴦立釣磯
幽栖可憐處春事滿林扉

潞府客亭寄鳳童

王昌齡

蕭條郡城閉旅館空寒煙秋月對悲客山鍾搖暮天新
知偶相許斗酒情依然一宵阻良會清風徒滿川

宴南亭

錢起

寒江眇村林亭上納鮮潔楚客共閒飲靜坐金管闌酣
竟日入山暝來雲歸穴城樓空杳蕩猿鳴備疑清切物
狀如絲綸道心為余決訪君東溪事早晚樵路濶

題裴十六少卿東亭

李嘉祐

平津舊東閣深巷見南山卷箔風煙潤遮牕竹影閒傾

茶兼落帽戀客不開闌斜照窺簾

一作簷

外川禽時往還

過裴長官新亭

錢起

茅屋多新意芳林昨試移野人知石路戲鳥認花枝慢
水縈蓬戶閒雲挂竹籬到家

集作來

成一醉歸馬不能騎

題蘇公林亭

前人

平津東閣在別是竹林期萬葉秋聲裏千家落照時門
隨深巷靜窓過遠鍾遲客位苔生處依然又賦詩

春遊南亭

韋應物

川明

一作晴

氣已變品寒雪

集作谷寒雪

尚擁南亭草心綠春

塘泉脉動景煦聽琴響雨餘看柳重逍遙池館華蓋愧

專城寵

和吳舍人早春歸沐西亭言志

前人

曉漏戒中禁清香肅朝衣一門雙掌誥伯仲侍言歸亭
高性情曠職密交遊稀賦詩樂無事解帶偃南扉陽春
美時澤旭霽望山暉幽禽響未轉東原綠猶微名雖列

朝

集作仙

爵心已遺

集作遺

塵機即事同巖隱聖渥良難違

題獨孤常州湖上林

一作新亭

劉長卿

出樹倚朱欄吹鏡引上官老農持鉦拜時稼捲簾看水
對登龍淨山當建隼寒夕陽湖草動秋色渚田寬渤海
人無事荊州客獨安謝公何足比來往石門難

題于越亭

集作登于越亭作

前人

天南愁望絕亭上柳條新落日獨歸鳥孤舟何處人生
涯投嶺

集作越

徼世業陷邊塵

集作胡塵

江入千峯暮花連百

越春

集作春青鍾陵暮悠悠鄱水春

秦臺隣

集作悲

白首楚水

集作澤

怨青

蘋草色無

集作迷

征路鶯聲傍逐臣獨醒鬪

集作空

取笑直

道不容身得罪風霜苦全生天地仁青山數行淚滄海

一窮鱗流落誰相識空將鷗鳥親

集作牢落機心盡惟將鷗鳥親

初貶南已至鄱陽題李嘉祐江亭

前人

南出巴人徼長江萬里隨不才甘謫去流水亦何之地
遠明君棄天高酷吏欺青山獨往路芳草未歸時流落

還相見悲歡話所思猜讒傷意以愁暮向江離淚盡看

長無心閑寄

集作倚

釣絲水雲初起重暮鳥遠來遲稚子

能吳語新文怨楚詞憐君不得意客

集作兩

鬢老南枝

越南中留

集作題

褚少府湖上林亭

前人

種田東郭傍春陂萬事

一作緒

無情把釣絲綠竹放侵行

逕裏

集作斷

青山常對卷簾時紛紛花發

集作落

門空閑寂

寂鴛啼日更遲從此別君千萬里白雲流水憶佳期

此詩二百八十七卷重出已削去注異同為一作

題沈道士新亭

釋皎然

何處好攀躋新亭俯舊溪坐中千里近簷下四山低小
浦依林曲回塘遶郭西桃花春滿地歸路莫相迷

冬日遙和盧使君幼平綦母居士遊法華寺高

頂同登臨湖亭

前人

仁芳標絕境廉守躡高蹤天見纔分刹風傳欲盡鍾城
中歸路遠湖上碧山重水照千花界雲開七葉峯寒空

艾綬滿晴翠白綸濃逸韻知難繼佳遊恨不逢仍聞撫
禪石為我久從容

春日陪顏使君真卿皇甫曾西亭重會韻海諸

生

前人

為重南臺客朝朝會魯儒暄風衆木變清景片雲無峯
翠飄簷下溪光照坐隅不將簪艾隔知與道情俱

夏日集裴錄事北亭避暑

前人

前林夏雨歇為我生涼風一室煩暑外衆山清景中忘

歸親野水適性許雲鴻蕭散都曹吏還將靜者同

九日陪皇甫使君同泛江宴赤岸亭

張雷

羈旅逢佳節追遊

雜詠作
道送

忽見招同傾菊花酒緩棹木

蘭橈平楚堪愁思長江亦

雜詠
作去

寂寥啼猿不離峽灘沸

鎮如潮舉目闌山異傷心鄉國遙徒言歡滿座誰覺客

魂銷

西亭子言懷

張謂

數般芳草在堂陰幾處閒花暝竹林攀樹玄猿呼郡吏
傍溪白鳥應家禽青山看景知高下流水聞聲覺淺深
官屬不令拘禮數時時緩步一相尋

長安竇明府後亭

顧况

君為長安令我美長安政五日一朝天南山對明鏡鳥
飛青苔院水木相輝暎客至南雲鄉絲桐展歌詠吏人
何蕭蕭終歲無喧競欲識明府賢邑中多百姓

秋題劉逸人林泉

疑

釋靈一

涼颼亂黃葉遲客橘陰清蘿逕封行跡雲門閉野情零
林秋露響穿竹暮煙輕莫戀幽棲地懷君疑作居
或作安却敗
名

題王班水亭

釋護國

湖上見秋色曠然如爾懷豈惟歡隴畝兼亦外形骸待
月歸山寺彈琴坐暝齊布衣閒自貴何用謁天階

謫居漢陽白沙口阻水雨因題驛亭

鄭常

漢陽無近遠見說過汾一作湓城雲雨經春客江山幾日

程終隨鷗鳥去祇待海潮生前路逢漁父多愁問姓名

友人山亭

殷 遥

故人從薄宦往往步清溪鑿牖對山月褰裳掃澗霓遊
魚逆水上宿鳥向風栖一見桃花發能令秦漢迷

獨孤常侍北亭

張南史

背湓敞高明憑軒見野情朝回五馬跡更勝百花名海
樹凝煙遠湖田見鶴清雲光侵素壁水影蕩閒楹俗賴

褰帷謁人歡倒屣迎始能

闕

結構獨有謝宣城

尋許山人亭子

吳賈

桃源若遠近漁子棹輕舟
川路行難盡人家到漸幽
山禽拂席起溪水入庭流
君是何年隱如今成白頭

秋夜同暢當宿潭山

一作上

西亭

盧綸

圓月出山頭七賢林下遊
稍稍林葉墮艷艷月波流
鳬鵝共思曉菰蒲相與秋
明當此中別一為望汀洲

題苗員外竹間亭

前人

高甍絕行塵，開簾似有春。
風傾竹上雪，山對酒邊人。
步暖先逢日，書空遠見隣。
還同內齋暇，登賞及諸姻。

春日灞亭同苗員外寄庾侍郎

前人

坐見春雲暮，無因報所思。
川平人去遠，日暖鴈飛遲。
對酒山長在，看花鬢自衰。
誰堪登灞岸，還作異鄉悲。

題河中亭

見三百十六卷

薛能

撫州西亭

見二百三十卷

戴叔倫

長沙

一作亭

送梁副端歸京

前人

奏書歸闕下
祖帳出湘東
滿座他鄉別
何年此會同
藉芳憐岸草
聞笛怨江風
旦暮乘流去
心期在醉中

題秦隱居麗句亭

前人

北人歸欲盡
獨自住蕭山
閉戶不曾出
詩名滿世間

題邵端公林亭

權德輿

春光何處足
柱史有林塘
鸞轉風初暖
花開日欲長
猷

池通野

集作舊

水掃逕閱新芳更置盈樽酒時時醉楚狂

洛陽河亭奉酬留守羣公追送

李逸

離亭餞落暉臘酒減征衣

集作春

歲晚煙霞重川寒雲樹

微戎裝千里至舊路十年歸還似汀洲鴈相逢又背飛

新安江亭

見二百九十三卷

章八元

登峴亭呈

闕郎中

司空曙

一身放放向荆蠻平楚茫茫失路關

絕句詩逕作峴山回首望秦關南向

荊州幾
日還

今日登臨惟有淚不知風景在何山

文苑英華卷三百十五

欽定四庫全書

文苑英華卷三百十六

宋 李昉等 編

居處六

亭六十九首

逍遙溪亭

王建

逍遙公在此徘徊帝改溪名起石臺
車馬到春常借看
子孫因選暫歸來
稀疎野竹人移折
零落蕉花雨打開
無主青山何所直
賣供官稅不如灰

江亭寓目

盧拱

江郭帶林巒，津亭倚檻看。
水風蒲葉戰，沙雨鷺鶩寒。
晚木初凋柳，秋叢欲敗蘭。
哀猿自相呌，鄉淚好無端。

題楊侍郎新亭

劉商

毗陵過柱史，簡易在茅茨。
芳草和花種，脩篁帶笋移。
逕幽人未賞，簷靜鶯初窺。
野客憐霜壁，青松畫一枝。

題賈巡官林亭

楊巨源

白鳥閒栖亭樹枝，綠樽仍對菊花籬。
許詢本愛交禪侶，

陳實由來是好兒
明月出雲秋館思
遠泉經雨夜窓知
門前長者無虛轍
一片寒光動水池

盧十五竹亭送姪偁

大粹
作備歸山

楊衡

落葉寒擁壁清霜
夜沾石正是憶山
時復送歸山客殷
勤一樽酒曉月當
牕白

步出武陵東亭臨
江偶望

劉禹錫

鴈至威風候霜餘
變林麓孤帆帶日
來寒空轉沙曲戍

遙旗影動津晚艣聲促月上彩霞收漁歌遠相續

劉駙馬水亭避暑

前人

千竿竹翠數蓮紅水閣虛涼玉簟空琥珀盞烘疑漏酒
水精簾瑩更通風賜冰滿椀沉朱實法饌盈盤覆碧籠
盡日逍遙却集作避煩暑再三珍重主人翁

道州夏日郡內北橋新亭書懷贈何元二處士

呂溫

結構池梁上登臨日幾迴晴空交密葉陰岸積蒼苔爽

氣中央滿清風四面來振衣生羽翰高枕出塵埃齊物

漁何樂忘機鳥不猜閒銷炎晝靜

集作
盡

選

集作
靜

勝火雲

開僻遠宜孱性優游賴廢材願為長泛梗莫作重燃灰
守道窮非過先時動是災寄言徐孺子賓榻且徘徊

和李使君三郎早秋城北亭宴崔司士因寄關

中張評事

三字一
作兄弟

前人

黃花古城路上盡見青山桑柘晴川口牛羊落照間野
情隨卷幔塵事隔重關道合偏重賞官微獨不聞鶴分

琴久罷書到鴈應還為謝登臨客瓊林

一作枝

寄一琴

此詩二百十五卷重出前已削去

雲溪西亭晚望

張籍

雲水碧悠悠西亭柳岸頭夕陰生遠岫斜照迥流此
地動歸思逢人方倦遊吳興耆舊盡空見白蘋州

題韋郎中新亭

前人

起得幽亭景復新碧莎地上更無塵琴書著盡猶嫌少
松竹栽多不

集作亦

稱貧藥酒欲開則好客朝衣暫脫見

閒身成名同日官連署此處經過有幾人

東亭閑坐

白居易

東亭盡日坐誰伴寂寥身綠樹

集作桂

為佳客紅蕉當美

人笑言雖不接情狀似相親若不

集作不作

悠悠想如何度

晚春

松江亭携樂觀魚宴宿

前人

震澤平蕪岸

松一作吳

江落葉波在官常夢想為客始經

過水面排曾網船頭簇綺羅朝盤鱸紅鯉夜燭舞青蛾

鴈斷知風急湖平得

集作見

月多繁絃

集作絃

與促管不解

和漁歌

題周皓

一作浩

大夫新亭

前人

東道常為主南亭列大

集作別待

賓規摹何日創境

集作景

致

一時新廣砌羅紅藥高

集作疎

窓蔭綠筠鎖開賓閣晚

集作作

曉梯上妓樓春置醴寧三爵加籩過八珍茶香飄紫笋

膾縷落紅鱗輝赫車輿閑珍奇鳥獸馴獼猴看樞馬鸚

鵒喚家人錦額簾高捲銀花盞謾巡勸嘗光禄酒

周簾光祿

御

許看洛川神

周有家族數十人

斂翠凝歌黛流香動舞巾裙

翻繡鵝鵠梳臨鈿麒麟笛怨音含楚
箏嬌語帶秦侍兒

催畫燭醉客吐文茵投轄多連曙

集作夜

鳴珂更達晨入

朝紆紫綬待漏擁朱輪貴介交三事
光榮照四隣甘濃
將奉客穩煖不緣身十載歌鍾地三
朝節鉞臣愛才心
個儻敦舊禮殷勤門以招賢盛家因
好事貧始知豪傑
意富貴為交親

奉和李大夫題忘筌新亭

前人

翠巘公門對朱軒野逕連只開新戶牖不改舊風煙虛
室閒生白高情淡入玄酒客同坐勸詩借屬城傳自笑
滄江畔遙思絳帳前亭臺隨處一作事有爭敢比忘筌

題嚴氏竹亭

戎昱

子陵栖遁處堪繫野人心溪水侵山影嵐煙向竹陰忘
機看白日留客醉瑤琴愛此多詩興歸來步步吟

題湖亭

詩選作移家
別湖上亭

前人

好是春風湖上亭柳條藤蔓繫離情黃鸝久住渾相識

欲別頻啼三

一作四

五聲

流盃亭

李德祐

激水自山椒折波分淺瀨迴還疑古篆詰曲如紫帶寧

慙羽觴遲惟貪

一作歡

親友會欲知中聖處皎月臨松蓋

早秋龍興寺江亭閒眺憶龍門山居寄崔張舊

從事

江亭感秋至蘭逕悲露泣秔稻秀晚川杉松蔚集作晴

巖嗟余有林壑茲夕念繁

集作原

衍綠竹

集作篠

連嶺多青

莎近溪淺淵明菊猶在仲蔚蒿莫剪喬木繁陵霄

集作甚

陰崖積幽蘚遙思伊川水北度龍門峴蒼翠雙闕間遙

迤清溪

一作灘

轉故人在鄉國歲晏路悠緬惆悵此生涯

無由共登踐

登江亭晚眺

賈島

浩渺浸雲根煙嵐沒遠村鳥啼沙有跡帆過浪無痕望
水知柔性看山欲捲魂縱情猶未已迴馬欲黃昏

宿杜司空東亭

牀頭枕是溪中石井底泉通竹下池宿客未眠當半夜
獨聞山雨到來時

登田中丞高亭

前人

亭高林表迴嵯峨獨坐秋宵不寐多玉

集作白

兔玉人歌

裏出白雲雖白

集作似

不相過

集作和

寄和蔡州中丞

一作寄蔡州田郎中

題蔣亭

釋無可

遺跡仍

一作遺路惟

留蔡幽人出漢

一作注

朝門深荒徑在亭

迴數峯遙岸石欹相倚

一作對

窓松偃未凋尋思方一去

豈待使君招

題崔駙馬林亭

前人

宮花野藥半相和藤蔓參差惜不科
纖草連門留徑細
高樓出樹見山多
洞中避暑青苔滿
池上吟詩白鳥過
更買太湖千片石
疊成雲頂綠嵯峨

宣義亭子

劉得仁

暮色遶高亭南山出竹青
夜深斜舫月風定一池星
島

嶼無人跡菰蒲有鶴翎此中休便可何必泛滄溟

冬日題駱家亭子

前人

亭臺臘月時松竹見貞姿林積煙藏日風吹水合池恨
無人此住靜有鶴相窺是景與秋景吟詩亦各宜

題何氏池亭

周賀

信是虛閒地亭高亦有苔
逶池逢石坐穿竹到山迴
果落纖萍散龜行細草開
主人偏好事終不厭頻來

題袁

集作元

處士高亭

杜牧

水接西江

集作江西

天外聲小齋松影拂雲平何人教我吹

長笛興倚秋

集作春

風弄月明

題池州貴池亭

前人

勢比陵歎宋武臺分明百里遠帆開蜀江雪浪西江起

集作滿

強半春風

集作寒

去却來

與張處士同題

集作訪

李隱居林亭

集作不遇

許渾

千巖萬壑獨携琴知在陵

集作龍

陽不可尋去轍已平秋

草遍

集作色變

空齋長掩暮雲深霜肥橡栗留

集作霜嚴枳橘

山鼠

月冷菰蒲散

一作泛

水禽惟有西隣

一作林

張仲蔚坐來同

愴別離心

此詩二百十七卷重出今已削去注異同為一作

題陸侍御林亭

前人

野水通池石疊臺五營無事隱雄材松齋下馬書千卷
蘭舫逢人酒一盃寒樹雪晴紅艷吐遠山雲曉翠光來
定知別後無多日海柳江花次第開

同孫盧二仙侶遊樊明府林亭

集作湘南徐明府余之南陵久

不還家因題林館

前人

湘南官罷

集作滿

不歸來高閣經年掩綠苔魚溢池塘秋

雨過鳥還

集作環

洲島暮潮迴

集作雲回

堦前石穩碁中局窓

外山寒

集作萬

酒滿杯借問先生獨行處

集作在

一作遠

籬

疎菊又花開

秋晴獨立南亭

楊發

晝對南風獨閉關暗期幽鳥去仍還如今有待終身貴

未若忘機盡日閒心似蒙莊遊物

一作象

外官慙許掾在

人間開襟自向清風笑無限秋光為解顏

宿晉昌亭聞驚禽

李商隱

羈緒鰥鰥夜景侵高窓不掩見驚禽行

集作飛

來曲渚煙

方合過盡南塘樹更深胡馬嘶和榆塞笛楚猿吟雜橘
村砧失羣掛木知何限遠隔天涯共此心

奉和秘監從翁夏日陝州河亭晚望

姚鵠

洪河何處望一境在孤煙極野如藍日長波似鏡年卷
簾花影裏倚檻鶴巢邊煨燭侵旌旆灘聲雜管絃鍾微
來疊岫帆遠落遙天過客多相訪一作指應疑會水仙

和徐薰先輩秋日遊涇州南亭呈二三同年

多少歡情泛鷁舟桂枝同折塞同遊聲喧海上巢松鶴
影落盃中過水鷗送日暮鍾交戍嶺叫雲寒角動城樓
酒耐笑話秋風裏誰道槐花更起愁

偶題林亭

集作題友人池亭

溫庭筠

月榭風亭繞曲池粉牆垣集作迴互瓦參差侵簷片白搖

翻影落鏡愁紅寫倒枝鷗鵝刷毛花蕩漾鷺鷥拳足雪

離披山翁醉後如相憶羽扇清罇我自知

題懷貞亭舊遊

集作崔公池亭

前人

皎鏡方

集作芳

塘菡萏秋此來重見採蓮舟誰能不遂

集作

逐當年樂還恐添為

集作

異日愁紅艷花

集作

多風嫋

嫋碧空雲斷水悠悠簷前依舊青山色盡日無人獨上

樓

陪河中節度使遊河亭

前人

倚欄愁立獨徘徊，欲賦慙非宋玉才。
滿座山光搖劍戟，遶城波色動樓臺。
鳥飛天外斜陽盡，人過橋心倒影來。
添得五湖多少恨，柳花飄蕩似寒梅。

題樟亭

張祐

見集本

曉霽憑虛檻，雲山四望通。
地盤江岸絕，天暎海門空。
樹色連秋靄，潮聲入夜風。
年年此光景，催盡白頭翁。

題昭應王明府溪亭

趙嘏

靖節何須彭澤逢
菊洲松島水悠溶
行人自折門前柳
高鳥不離溪畔峰
曉渭度簷帆的的
晚原含雨樹重重
軒車過盡無公事
枕上一聲長樂鍾

南亭

前人

孤亭影出亂花中
悵望無人此醉同
聽盡暮鍾猶獨坐
水邊襟袖起春風

許州德星亭

薛能

漢水南流東有堤
堤邊亭是武陵溪
槎松配石堪僧坐

藥杏含香欲鳥啼
高處月生蒼海外
遠郊山在夕陽西
頻來不是軍從事
只戴沙巾只杖藜

題河中亭子

前人

河擘雙流島在中
島中亭上正南空
蒲根舊浸臨關道
沙色遙飛傍苑風
晴見樹卑知岳大
晚聞車亂覺橋通
無窮勝事應須宿
霜白蒹葭月在東

此詩三百十五卷重出前已削去

旅次洋州寓居郝氏林亭
方干

舉目縱然非我有思量自在故山時鶴盤遠勢投孤嶼

蟬曳殘聲過別枝涼月照牕

集作床

歌枕倦澄泉遶石泛

觴遲青雲未得平行去夢到江頭身在茲

集作江南身在羈

書吳道士隱林亭

前人

蘇榭沙亭蘿篠陰依稀氣象似山林橘枝亞樹香

集作路黃

苞重井脉牽湖碧甃深稚子遮門留熟客驚蟬入葉避

遊禽四隣不見孤高事

集作處

翻笑騰騰只醉吟

題陸州呂郎中郡內

集作中

環溪亭

前人

為是仙才登望處風光便是武陵春
閒花半落猶邀蝶白鳥雙飛不避人
樹影興餘侵枕簟荷香坐久著衣巾
暫來此地非多日明主那容借寇恂

題越州南郭袁秀才林亭 前人

清邃林亭指畫開幽巖別派像天台
坐牽蕉葉題詩語

一作醉觸松藤花落酒盃白鳥不歸山裏去紅鱗多

自鏡中來終年此地為吟伴

集作侶

早起尋君薄暮迴

湘陰江亭寄友人

李羣玉

湘岸初晴淑景遲，風光正是客愁時。
幽花暮

集作夜

落騷

人水芳草春深，帝子祠往事，隔年如過夢。
舊遊回首謾

勞

集作追

思煙波自此扁舟去，酌酒聯文香未期。

秋宿潤州劉處士江亭

李洞

北夢風吹斷江邊處士亭，吟生萬井月看盡。

集作見

一天

星浪靜魚衝石

集作鎖

窻高鵲聽經東南渺

集作杳

無畔世

界半滄溟

苑中題友人林亭

李頻

林色藏巖洞幽栖趣若何
春篁蕪笋密夏鳥雜雛多
坐有清風起林無暑氣過
亂書還就葉真飲不聽歌
片景明紅蘚斜陰暝綠蘿
雄文終不惜莫便棄高科

題耿處士林亭

喻坦之

身向閒中老生涯本路然
草堂山木下魚艇鳥花邊
窺井猿蕪鹿啼林鳥雜蟬
何時人事了依此亦高眠

題賈氏林泉

聶夷中

市朝東名利林泉繫清通
豈知黃塵內迴有白雲蹤
輕流逗密篠直幹入寬空
高吟五君詠疑對九華峰
我知種竹心欲扇清涼風
我知決泉意將明濟物功
有琴不張絃衆星列梧桐
須知淡泊聽聲在無聲中
地非樵者路武陵又何逢
祇慮迷所歸池上日西東

水軒

鄭谷

日日狎沙禽偷安且放吟
讀書老不入愛酒病還深
亂

集作

後為羈

集作

客兵餘問故林楊花滿床席搔首度

春陰

望湖亭

前人

湘水似伊水
湘人非故人
登臨何獨語
風柳自搖春

七松亭

張喬

七松亭上望秦川
高鳥聞雲滿目前
已比子真耕一作樓

谷口豈同陶令卧
江邊臨崖把卷驚
迴燒掃石留僧聽

遠泉明月影中宮
漏近珮聲應宿使
朝天

題圭峰下長孫家林亭

韓琮

趙國林亭二百年綠苔如毯葛如煙閒期竹色搖霜看
醉惜松聲枕月眠出樹圭峯寒壓坐入籬沙瀨碧流天
明知富貴非身物莫為金章墮此仙

和容南韋中丞題瑞亭白鷺白胤六眸龜嘉蓮

陳陶

伏波恩信動南夷交趾喧傳四瑞詩驚鼠孕靈褒上德
龜蓮增耀答無私迴翔雪侶窺簷處照映紅巢出水時
盡寫流傳集作風流在軒檻嘉祥從此百年一作城知

夏晚望嵩亭有懷

羅鄴

正憐雲水與心違，湖上亭高對翠微。
盡日不妨憑檻望，終年未必有家歸。
青蟬漸傍幽叢噪，白鳥時穿返照飛。
此地又愁無計住，一竿何處是因依。

題蔣亭

前人

西風才起一蟬鳴，便算關河馬上程。
碧浪鷗舟從此別，丹霄鵠箭忽無成。
二年芳思隨雲雨，幾日離歌望一作愁
旆旌。迴首橫塘更東望，露荷煙菊倍傷情。

題水簾亭

一作洞

亂泉飛下翠屏中，名共真珠巧綴同。
一片長垂今與古，半山遙聽雨兼風。
雖無舒卷隨人意，自有潺湲濟物功。
每向暑天來往見，疑將仙子隔房櫳。

偶題離亭

前人

萬般名利不關身，沉待山平海變塵。
五月波濤爭下峽，滿堂金玉為何人。
謾誇浮世青雲貴，未盡離枯白髮新。
誰似雨蓬蓬底客，渚花汀鳥自相親。

江亭別裴饒

羅隱

行盃且待怨歌終，多病憐君事事同。
衰鬢別來光景裏，故鄉歸去亂離中。
乾坤墊裂三分在，井邑摧殘一半空。
日晚長亭問西使，不堪車馬上萍蓬。

關亭春望

前人

關畔風雲拂馬頭，馬前春事共悠悠。
風欺岸柳長條困，露浥山花小朵愁。
信越功名高似狗，裴王氣力大於牛。
未知至竟將何用，渭水涇泥一作川一向流。

于越亭

前人

楚水蕭蕭多病身，強凭危檻過殘春。
高城自有陵兼谷，流水那知越與秦。
岸下藤蘿陰作幙，橋邊蛟蜃夜欺人。
琵琶洲遠江村濶，回首征途一作帆淚滿巾。

李郎中林亭

曹松

祇向砌邊流，野水樽前上下看。
魚兒筍溪已長過人竹，藤徑從添拂面絲。
若許白猿垂近戶，即無紅葉壓低枝。
大才必擬逍遙去，更遣何人佐盛時。

漢南郵亭

裴說

高閣水風清，開門日送迎。
帆張獨鳥起，樂奏大魚驚。
驟雨拖山過，微風拂面生。
閒吟雖得句，留此謝多情。

蒲津河亭


唐彥謙

宿雨清秋霽景澄，廣亭高樹更晨興。
煙橫博望乘槎水，日上文王避雨陵。
孤棹夷悠期獨往，曲欄愁絕悔長凭。
思鄉懷古人，傷別此際哀吟幾不勝。

東亭茶宴

女郎鮑君微

閒朝向曉出簾櫳
茗宴東亭四望通
遠眺城池山色裏
俯聆絃管水聲中
幽篁引沼新抽翠
芳槿低簷欲吐紅
坐久此中無限興
更憐團扇起清風



文苑英華卷三百十六

欽定四庫全書

集部

文苑英華卷三百十七

詳校官太僕寺卿臣李廷欽

助教臣常循覆勘

總校官進士臣朱 鈐

校對官中書臣王鍾泰

謄錄監生臣崔鶴立

欽定四庫全書

文苑英華卷三百十七

宋 李昉等 編

居處七

園齋八十五首

遊後園

梁元帝

暮春多淑氣斜景落高春日照池光淺雲歸山望濃入
林迷曲徑渡渚隔危峯

晚景有遊後園

前人

高軒聊騁望煥景入川梁波揺

類聚作橫

山度影雨罷葉生

光日移花色異風散水紋長

山齋

庾信

寂寥尋靜室蒙密就山齋滴瀝泉逶迤

一作洗

路穹隆石卧

堦淺槎全不動盤根惟半埋殘珠墜曉菊細火落空槐
直置風雲慘彌憐心事乖

同前

徐陵

桃源驚往客鶴嶠斷來賓復有風雲處蕭條無俗人寒

山微有雪石路本無塵竹徑朦朧巧茅齋結構新燒香
披道記懸鏡壓山神砌水何年溜簷桐幾度春雲霞一
已絕寧辨漢將秦

敬酬楊僕射山齋獨坐

薛道衡

相望山河近相思朝夕勞龍門竹箭急華岳蓮花高嶽
高嶂重疊鳥道風煙接遙原樹若薺遠水舟如葉葉舟
旦旦浮金波夜夜流露寒洲渚白月冷函關秋秋夜清
風發彈琴即鑑月雖非莊鳥歌吟咏常思越

重酬楊僕射山齋

前人

寂寂無與晤朝端去總戎空庭聊步月閒坐獨臨風
臨風時太息步月出泉側朝朝散綵霞暮暮澄秋色
秋色遍臯蘭霞綵落雲端吹旌朔氣冷照劒日光寒
光寒塞草平氣冷咽笳聲將軍獻凱入藹藹風雲生

郊園即事

王勃

煙霞春旦賞松竹故年心斷山疑畫障懸溜瀉鳴琴草
遍南亭合花濃北院深閒居饒酒賦隨興欲抽簪

冬日過故

一作友

人任處士書齋

駱賓王

神交尚投漆虛室罷遊蘭網結

集作積

窓文亂苔深履跡

殘雪明書帳冷冰靜墨池寒獨此琴臺夜

集作上

流水為

誰彈

此詩三百七卷重出前已削去

南山家園林木交暎盛夏五月幽然清涼獨坐

思遠率成十韻

陳子昂

寂寥守窮巷幽獨坐

集作卧

空林竹松生虛白堦庭橫

集作

懷

古今鬱蒸炎夏晚涼宇閔清陰軒窓交紫靄簾

一作簾

戶對蒼岑鳳蘊仙人錄鸞歌素女琴忘機委人代閉牖
察天心蛺蝶憐紅藥蜻蛚愛碧潯坐觀萬象化方見百
年侵擾擾將何息青青長苦吟願隨白雲駕龍鶴相招
尋

田假限疾不獲還莊載想田園兼思親友率成

短韻用寫長懷贈林

一作杜

幽素兄

見二百四十九卷

李嶠

郡宅中齋

宋之問

郡宅枕層嶺春湖遶芳甸雲霓出萬家卧覽皆已遍漁
商汗成雨解邑明若練越俗鏡中行夏祠雲表見茲都
信盤鬱英遠常棲眄王子事黃老獨樂恣遊衍謝公念
蒼生同憂感推薦靈越多秀士運濶無由面神理翳青
山風流滿黃卷揆余謬成疑獎自昔從纓弁瑤水執仙
羈金闥員時選晨趨博望苑夜直明光殿一朝罷臺閣

萬里違鄉縣風土足慰心
況悅年芳變淮廩佇茲實
沂歌非所羨訟寢歸四明
齡頽親九轉微上本江海
少留豈交戰惟餘後凋色
竊比東南箭

同李員外春園

崔湜

落日啼連夜孤燈坐徹明
捲簾雙鷺入披幌百花驚
隴水寒應晚閨中織未成
管絃愁不意一作記粧梳懶無情

去歲聞西伐今年送北征
容顏離別盡流恨滿長城

崔禮部園亭得深字

張說

窈窕留清館虛徐步晚陰水連伊闕近雲

集作樹

接夏關

陽集作

深柳蔓憐垂拂藤苗愛上尋訝君軒蓋偶

一作侶

非

復俗人心

小園納涼即事

蘇頲

煩暑避蒸鬱歸閒習高明長風自遠來層閣有餘清散
灑納涼氣蕭條遺世情奈何誇大隱終日繫塵纓

先是新昌小園待獻歲羣物期京兆尹一訪兼
郎官數子自頃沉痾年復寒食茲願不果率

然成章

前人

獨好中林隱先期上月春閒花傍戶落喧鳥逼簷
寂寞東陂叟傳呼北里人在山琴易調開甕酒歸
醇佇望應三接彌留忽幾旬不疑丹火變空恠綠
條新鬬蟻聞常日歌龍值此辰其如衆君子嘉會
阻清塵

晨坐齋中偶而成詠

張九齡

寒露結秋空遙山紛在矚孤頂乍脩聳微雲復
相續人茲賞地偏鳥亦愛林旭結念憑幽遠撫躬
曷羈束昂

集作

仰霄謝逸幹

一作翰

臨路嗟疲足徂歲方睽携歸心亟躑

躅休閒儻有素豈負南山曲

郡內閒齋

前人

賓

集作郡

閣晝常掩庭蕪日復滋簾

集作簾

風落烏毳窓

掛蟲絲拙疾

集作病

官情少機

集作羈

閒秋氣悲理人無異

績為郡但經時惟有江湖意沉冥獨

集作空

在茲

郡舍南有園畦雜樹聊以永日

前人

為郡久無補越鄉空復深苟能秉素節安用叨華簪却
步園畦裏追吾野逸心形骸拘俗吏光景賴閒林內訟
誠知止外言猶匪忱成蹊謝李逕衛足感葵陰榮達豈
不幸集作孤心一作生非所任江城何寂歷秋樹亦蕭森
下有比流水上有南飛禽我願從歸翼無然空自一作自在
沉

春園即事

王

維

見集本

宿雨乘輕屐春寒著敝袍開畦分白水間柳發紅桃草

際成棊局林端舉桔槔還持鹿皮几日暮隱蓬蒿

春中田園

前人

屋上春鳩鳴村邊杏花白持斧伐遠揚荷鋤覘泉脉歸
燕識舊巢舊人看新歷臨觴忽不御惆悵思遠客

集作
遠行

題梧州陳司馬山齋

孟浩然

南國無霜霰連年對物華青林暗換葉紅藥亦開花春
去無山鳥秋來見海槎流芳雖可悅會自泣長沙

題張逸人園廬

前人

與君園廬並微尚，頗亦同耕釣。方自逸壺觴，趣不空門。
無俗士，駕人有尚皇風。何必先賢傳，惟稱龐德公。

家園夜坐寄郎微

祖詠

前堦微雨歇，開戶散窺林。月出夜方淺，水涼池更深。
餘風生竹樹，清露薄衣襟。一作高物遂遙嘆懷人滋遠心。

依稀成夢想，影響絕徽音。誰念窮居者，明時嗟陸沉。

巴陵劉處士東齋作

王昌齡

劉生隱岳陽，心遠洞庭水。偃帆入山郭，一宿楚江裏。竹

暝秋館深月寒江風起煙波桂陽接日夕數千里嫋嫋
清夜猿孤舟坐如此湘中有來鴈雨雪候音音

同姜濬題裴式微餘干東齋 劉長卿

世事終成夢生涯欲半過白雲心已矣滄海意如何
杖屨全吾道榴花養太和春風騎馬醉江月釣魚歌散帙
看蟲蠹開門見雀羅遠山終日在芳草傍人多吏體莊
生傲方言楚俗記屈平君莫弔腸斷洞庭波

贈大理黃主簿湖上高齋 前人

閉門湖水畔自與白鷗親
竟日窓中岫終年林下俗
輕儒服弊家厭法官
貧多雨茅簷夜空洲
草逕春桃源
君莫愛且作漢朝臣

田園觀雨兼晴後作

孟雲卿

貧賤少情欲借荒種南陂我非老農圃
安得良土宜秋成不廉儉歲餘多餒饑
顧視倉廩間有糧不成炊晨登南園土
疑莫歇清蟬悲早苗既芄芃晚田尚離離
五行孰堪廢萬物當及時賢哉數夫子
開翅慎勿遲

題從弟制

疑

官竹齋

張謂

羨爾方為吏，衡門獨晏如。
野猿偷紙筆，山鳥污圖書。
竹裏藏公事，花間隱使車。
不妨垂釣坐，時鱸小江魚。

春題劉相公山齋

時相公初除太子賓客

錢起

能以功成疎寵位，不將心賞負雲霞。
林間客散孫宏閣，

城

一作壇

上山宜綺季，家蝴蝶晴憐。
池岸葉黃鸝曉出，柳

園花

集作山蝶成群爭遠
蕙黃鸝禽子暗移花

日陪鯉也，趨文苑誰道門生。

隔絳紗

題右

集作暮過

龜谷溫處士園林

前篇作送溫逸士見二百三十六卷

隱几

前篇作垂白

田園

前篇丘園

關心

前篇作縈心集作嬰心

晒藥

前篇作曝

藥

支頤

前篇作楷頤

勅和元相公家園即事寄王相公

韓翃

共列中台貴能齊物外心
迴車青閣晚解帶碧芳深
寒水隨畦入晴光度竹尋
題詩更相應一字重千金

題張逸人園林

前人

藏頭不服見時人愛此雲山奉養真露色點衣孤嶼月

一作曉

花枝妨帽小園春

一作時

悶携幼稚諸峯上閒濯鬚

看一水濱興罷歸來還對酌茅簷掛著紫荷巾

題裴固新園

又玄集作裴
二十一新園

皇甫冉

東郊訪先生西郊尋舊路久為江南客自有雲陽樹已
得閒園心不知公府步開門白日晚倚杖青山暮菓熟
任霜封籬疎從水渡窮年無牽綴往事惜淪誤惟見獨

一作耦 耕人朝朝自來去

舊路 又玄集作隱路

題李沆園林

盧綸

古巷牛羊出重門接柳陰閒看入竹路自有向山心種

藥齊幽石耕田到遠林願同詞賦客得與一作興謝家深

題耿拾遺春中題第五四郎新脩書院

前人

得接西園會多

一作皆

因野性同引藤連樹影移栢

集作移石

間花叢學就晨昏外歡生禮樂中春遊隨墨客夜宿伴
潛公散帙燈驚燕開簾月帶風朝朝在門下自與五侯

通

春日同諸公過兵部王尚書林園

權德輿

休沐君相近時容曳履過花間留客久臺上見春多松
色明金艾鶯聲雜玉珂更逢新酒熟相與藉庭莎

春日山齋

釋靈一

野迳東風起山扉度日開晴光折紅萼流水長青苔逋
客殊未去芳時已再來非關戀春草自是欲徘徊

程評事西園之作

釋法震

誰向春鶯道名園已共知簷前迴水影城上出花枝搖
拂煙雲動登臨翰墨隨相招能不厭山舍為君移

題鄭容江畔桐齋

鄭先生好琴
性廉無寡欲

釋皎然

客齋開別住坐占綠江濱流水非外物閒雲長屬君浮

榮未可累曠達若無羣風起高桐下清絃日日聞

和翰林吳舍人兄弟西齋

顧况

君家誠易知易知復難同新裁尺一詔早入明光宮西
齋何其遠一作高上與星漢通永懷洞庭石春色相玲瓏

又懷巴峽泉夜落君絲桐信是怡神所迢迢蔑華嵩鳥
飛晴雲滅疊嶂盤虛空君家誠易知易知意難窮

安邑王校書房

耿緯

秋來池館清夜聞宮漏聲迢遞玉山迥泛灩銀河傾琴

上松風至窓裏竹煙生多君不家食孰云事巖耕

題孝

一作李

廉書房

前人

商瞿長易教一室向青山業就三編絕心通萬象閒
啼春水上草遍暮陽間莫道符繻在來時棄故關

題鮮于秋林園

集作鮮于映竹園

司空曙

雨後園林好幽行迴

一作向

野通遠山芳草外流水落花

中客醉悠悠慣鶯啼處處同夕陽

集作傷春

自一望日暮杜

陵東

秋園戲題

前人

傷秋不是惜年華，別憶春風碧玉家。
強向衰叢見芳意，茱萸紅實似繁華。

題崔端公園林

李端

上士愛清輝，開門向翠微。
抱琴看鶴去，枕石待雲歸。
野坐苔生席，高眠竹掛衣。
舊山東望遠，惆悵暮花飛。

南園

韋應物

清露夏天曉，荒園野氣通。
水禽遙泛雪，池蓮拂披紅。
幽

林詎知暑環舟似不窮
頓酒塵喧意長笑滿襟風

題沈八齋

暢當

江齋一入何亭亭因寄淪漣心
杳冥綠綺琴彈白雪引
烏絲絹勒黃庭經

春日過闕

前人

帝里陽和日

一作早

遊人到御園暖催新景氣
春認舊蘭

蓀詠德先臣沒成蹊大樹存
見桐猶近井看柳尚依門
獻地非更宅遺忠永奉恩
又期攀桂後來賞百花繁

秋過龍武李將軍書齋

王建

高樹蟬聲秋巷裏，朱門冷淨似閒居。
重裝墨畫數莖竹，長著香薰一架書。
語笑侍兒知禮數，吟哦野客任狂疎。
就中愛讀英雄傳，欲立功勳恐不如。

和元員外題昇平里新齋

楊巨源

因知休沐諸幽勝，遂肯高齋枕廣衢。
舊地已開新玉圃，春山仍展綠雲圖。
心源邀得閒詩證，肺氣宜將慢酒扶。
此外惟應任真宰，同塵最是道門樞。

題表丈二大夫書齋

復覽文集

前人

盛府自蓮花羣公是歲華蘭姿丈人圃松色大夫家素
卷堆瑤席朱絃映絳紗詩題三百首高韻照春霞

春園即事

陳羽

水隔羣物外花

一作夜

深風起頻霜中千樹橘月下五湖

人聽鶴忽忘寢見山如得隣明年還到此共看洞庭春

過張老村園

于鵠

身老無脩飾頭巾用白紗開門朝掃逕輦水夜澆花藥

氣聞深巷桐陰到數家不愁還酒債腰下有丹砂

南溪書院

楊發

茅屋住來久山深不置門草生垂井口花發接

一作擁籬

根入院將鵲鳥攀蘿抱子猿曾逢異人說風景似桃源

春園醉醒閑卧小齋

前人

酣醉送餘春醒來恨更頻花殘蜂蠹物葉暗鳥欺人簾
閉高眠貴齋空浩氣新從今北窓蝶長是夢中身

小園秋興

一作晚

前人

誰言帝城裏獨作野人居石磴晴看疊

一作疊

山苗晚自

鋤相慙五秉粟尚癖一車書昔日揚雄宅還無卿相輿

題從叔園林

呂溫

阮宅閒園暮窓中見樹陰樵歌依野草僧語過長林鳥
下花間井人彈竹裏琴自嫌身未老已有住山心

道州夏日早訪苗參軍林園敬酬見贈

前人

高眠日出始開門竹逕傍通到後園陶亮橫琴空有意

任棠置水竟無言
松憲宿翠含風薄
槿援朝花帶露繁
山郡本來車馬少
更容相訪莫辭喧

和李僕射西園

張籍

過午歸閒處
西亭敞四簷
高眠著琴枕
散帙檢書簽
印在休通客
山晴好捲簾
竹涼蠅到少
藤暗蝶爭潛

一作

晚
鵲頻驚喜
疎蟬不許拈
石苔生紫點
欄藥吐紅尖
虛坐詩情遠
幽探道侶兼
所營當勝地
雖儉復誰嫌

松齋偶興

白居易

置心思慮外滅跡是非間約俸為生計隨官換往還耳
煩聞曉鼓眼醒見秋山賴此松簷下朝迴半日間

郡中西園

前人

閒園多芳草春夏常

集作春

靡靡深樹足佳禽旦暮鳴不

已院門閉松竹庭徑穿蘭芷愛彼池上橋獨來聊徙倚
魚依藻長樂鷗見人暫起有時舟隨風盡日蓮照水誰
知郡府內景物閒如此始悟喧靜緣何嘗繁遠邇

題崔

集作鄭

駙馬園林

集作林亭

姚

合

東園連宅起勝事與心期幽洞自生藥新篁迸入池
密林行不盡芳草生難移石翠疑無價集作質鶯歌似有詞
莎臺高出樹蘚壁盡題詩我獨多來此九衢人不知

西園

許渾

西園春已

一作欲

盡芳草徑難分靜語惟幽鳥閒眠獨使

君密林生雨氣古石帶苔文雖去清朝遠朝朝見白雲

山齋秋晚

前人

殘月皓煙露

一作霧

掩門深竹齋草蟲鳴曲檻山鳥下空

階清鏡曉看髮素琴秋寄懷因知北窓客日與世情乖

題裴處士園林

集作題郭處士居

前人

桑柘滿江村西齋接

集作對

海門浪衝高岸響潮入小池

渾巖樹蔭碁局山花落酒樽相逢每

集作歡更

留宿還似識

王孫

同張處士題李隱居園林

見三百十六卷

前人

荒齋

賈島

草舍徑微微終南對掩扉晚涼疎雨絕初曉遠蟬

集作山

稀葉落無情地閒身著白衣樸愚由本性不是學忘機

題號州三堂吳郎中

前人

無窮草樹昔誰栽新起臨湖白石臺半岸泥沙孤鶴立

三堂風雨四門開荷翻圓

集作園

露驚秋近柳轉斜陽過

水來昨夜北樓堪朗詠號城初鎖月徘徊

田將軍書院

前人

滿庭花木半新栽石自平湖遠岸來筍迸隣家還長竹

地經山雨幾層苔
井當深夜泉微上
閣入高秋戶盡開
行背曲江誰到此
琴書鎖著未朝迴

齊中

前人

耽靜非偽

集作謬

為本性實疎索
齊中一就枕不覺白日

落低扉礙軒轡
寡德謝接諾
藁蒨在墻陰
秋窮未開萼

所食

集作食

類病馬動影似移岳
欲駐迫逃衰
豈殊辭綆

縛已見飽時雨
應豐蔬與藥

題從伯舍人道正里南園

劉得仁

帝里餘新第朱門面碧岑曙堂增爽氣喬木動清陰直
去親瑤陛朝廻在竹林風流才子調好尚古人心薜荔
遮窓暗莓苔近井深禮無青草隔一作鎖詩有一作共白衣
吟軒靜留孤鶴庭虛到遠砧掩關裁鳳詔開鏡理瓊簪
種植今如此塵埃永不侵雲奔投刺者日月待為霖

初夏題段郎中脩竹里南園 前人

高人遊息處與此曲池連密樹纔春後深山在目前遠
峯初絕雨片石欲生煙數有僧來宿應緣靜好禪

西園

前人

夏圃秋

一作晚

涼入樹低逢幘歌水聲翻敗堰山翠濕疎

籬綠滑莎藏徑紅連

一作繁

果壓枝幽人更何事旦夕與

僧期

錢塘青山題李隱居西齋

李郢

小隱西亭為客閒翠蘿深處遍青苔林間掃石安碁局
巖下分泉遞酒盃蘭葉露光秋月上蘆花風起夜潮來
湖山遶屋猶嫌淺欲棹漁舟近釣臺

園居

前人

暮雨揚雄宅秋風向秀園
不聞砧杵動時看桔槔翻
釣下魚初食船移鴨暫喧
橘寒才弄色須帶一作待早霜繁

春晚東園曉思

薛逢

劒外春餘日更長東園留醉樂
高張松杉露滴無情淚
桃杏風飄不語香鶯戀葉深啼綠
樹燕窺巢穩坐雕梁
也知留滯年華晚爭那樽前樂未央

宿陳生山齋

見二百十七卷

溫庭筠

扶持山州避難冬夜二三禪侶吟茅齋

李涪

四海通禪客搜吟葉擁局撚髭孤燭白閉目亂山青壁
掛敲冰杖爐溫注月瓶獨愁衙舊笏冷立殘星

花園即事呈常中丞

集作侍郎

趙嘏

煙煖池塘柳覆臺百花園裏看花來燒衣煖席三千樹
破鼻醒愁一萬盃不肯為歌隨拍落却因令舞帶香迴
山公仰爾延賓客好傍春風次第開

延賓

集作留賓

春風

集作春城

南園

前人

雨過郊原綠尚微
落花惆悵滿塵衣
芳樽有酒無人共
日暮看山還獨歸

郊園

鄭谷

相近復相尋
山僧與水禽
蓑衣

集作煙蓑

春釣靜雪屋夜甚

深雅道誰開口
時風未醒

集作省

心思

集作溪

光何以報祇

有醉和吟

題友人林齋

張喬

喬木帶源

涼疑作

蟬來吟暑雨天不離高枕上似宿遠山

邊簾冷窓中月茶香竹裏泉

一作煙

吾廬近溪島憶別動

經年

和崔監丞春遊鄭僕射東園 張蠟

春興隨花盡東園自養閒不離三畝地似入萬里山
白鳥穿籬去清泉抵石還豈同秦代客無位隱商山

次韻和友人冬日書齋

前人

四季多花木窮冬亦不凋薄冰

一作雲

行處斷殘火睡來

消象版簽書帙蠻藤絡

一作落

酒瓢公卿有知己時得一

相招

南園題

羅隱

搏擊路終迷南園且灌畦敢言逃俗態自是樂幽棲
長春松潤科圓早薤齊雨沾虛檻冷雪壓遠山低竹好
還成徑桃夭亦有蹊小意奔野馬閒甕養醯鷄水石心
愈切煙霄分已睽病憐王猛畚愚笑隗囂泥澤圃潮平

岸江村柳覆堤到頭乘興是誰子好提携

文苑英華卷三百十七